

*Monasterij*

*Oegenbach*

# VIRIS

*Prænobilissimis, Strenuis & Excellentissimis*  
PHILOSOPHIÆ & MEDICINÆ

## DOCTORIBUS

*Ex Libris Sævis Experientissimis Francisci Boelzi Rammar*

*Ertinga*  
ARCHIATRIS, POLIATRIS,  
&  
MEDICIS CASTRENSIBUS.

Ut &  
ALMÆ EJUSDEM ARTIS  
CANDIDATIS DIGNIS,  
&  
CONSECRATIS FILIIS STUDIOIS.

Nec non  
*Maximè Conspicuis, Præclarissimis*  
& *Nominatissimis*

PHARMACEVTICÆ ARTIS  
MAGISTRIS PERITISSIMIS,  
ejusdemque

CULTORIBVS INGENVIS ac INDEFESSIS,

## MEDICINAM

*Simul ac*  
PHARMACOPŒAM  
Per uniuersum Terrarum Orbem, præcipuè vero  
per Germaniam feliciter exercentibus

DOMINIS, FAUTORIBUS AMICIS,  
*Colendisissimis, Honoratissimis, Aestumatissimis,*

JOHANN. CHRISTOPH. Sommerhoff.  
S. P. D.

(\*) 5

Dudam



**D**udum est, quod à Cordatis Viris, iisque cùm Medicis, tùm Pharmacopœis desiderari senserim, dilucidam brevemq; Explicationem, Pharmaceuticorum pariter ac Chymicorum Terminorum. Unde persuasus, me à Pœoniæ Artis Filiis nonnullam gratiam initurum esse, si id ipsum molirer, Laborem in privatos primò tantum usus aggressus, velut Apes ex variis floribus Mel, ità ego ex plerisque Lexicis Medico-Chymicis, omnia hùc spectantia Vocabula, cùm potissimum usu hodie-num recepta, tùm obsoleta minusque nota, impigro labore congerere, inque unum Volumen cogere cœpi. Quod, cum ingens in diem sumpsisset incrementum, cum Fautoribus atque Amicis, uti solemus, id communicare visum est, qui precibus non minus, quàm continuis adhortationibus, subinde me defatigare sategerunt, ne in annos premam tanto desiderio hætenus expectatum Opus, sed in lucem publicam quamprimum emittam, rati, fore, ut id ceu certam Cynosuram sequi valeant cupidi discendi Tirones, quibus hæc velut prælatâ face, in intimiora Medicinæ pandatur aditus.

Jam, quemadmodum tantorum Virorum nutui, qui mihi pro imperio mihi est, quicquam denegare nefas duxi; ita absoluto Opere nihil magis curæ mihi cordique esse debuit, quàm ut de tutelaribus quasi Numinibus dispicerem, quorum Reverenda Nomina, pro recepta antiquissima Veterum consuetudine, Libri frontispicio affigere liceat. Inter quæ, cum pro tali instituto non solum Vos, Viri Incluti! qui Authores hujus Laboris mihi extitistis, sed & Vos Cœteri! qui per universum Terrarum Orbem, imprimis verò per Germaniam,

am,

❦ ❦

am, Medicam simul ac Pharmaceuticam Artem laudabiliter exercetis, eligere consultissimum ratus sim, ideò Vobis, Viri Colendissimi, Honoratissimique! hocce meum Lexicon inscribere ac sacrum facere, audaci animo sustinui.

Vehementer ergò etiam atque etiam Vos rogo, serenâ fronte & æquo animo accipere velitis, quod candido bonoque offero, simul obtestans, ut meis qualibuscunque conatibus favere, contra malevolorum insultus atque latratus me tueri, ac ipsum hocce Dictionarium nostrum, siquidem, ut spero, aliquam exinde utilitatem & fructum Medicinæ & Pharmaceuticæ Artis Tirones percepturos aliquando esse cognoveritis, illud iis commendare haud gravatim dignemini, Hòc, feceritis rem vestris Nominibus congruam, mihi que pergratam, sed & omnibus gratissimam, si Vos non piguerit, commissas forte hallucinationes, (quas ne oculatissimus Argus ubique evitare potuisset,) emendare, mutila resarcire, Sphalmata corrigere, omissa supplere, &, verbo, omnia æquibonique consulere.

Valete Viri Meritissimi! & me, quod facitis, Vestro favore porro prosequimini, dum interim ego pro salute & incolumitate Vestra, supremum Numen piis implorare precibus, nunquam desinam.

Iterum Valete. Dabam Neo-Hanoviæ, ad Diem

19. Januar. 1701.



Lieber